



U P U T S T V O

o izmjenama i dopunama Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini

Sarajevo, decembar 2024. godine

Na osnovu člana 2.9 stav (1) tačka 2, člana 2.2 st. (3) i (4) i člana 2.12 st. (2), (3) i (5) Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisije Bosne i Hercegovine je na 115. sjednici, održanoj 04.12.2024. godine, donijela

U P U T S T V O

o izmjenama i dopunama Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini

Član 1.

U Uputstvu o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“ broj. 31/24), član 9. mijenja se i glasi:

(1) Po zatvaranju javnog oglasa konkursna komisija vrši pregled i klasifikaciju prijava kandidata na one koje ispunjavaju uvjete tražene javnim oglasom i na one koji ne ispunjavaju uvjete, o čemu sačinjava zapisnik. (Prilog 1).

(2) Konkursna komisija je obavezna obavijestiti preporučenom poštom sve prijavljene kandidate o rezultatima izvršene klasifikacije njihove prijave. Kandidati čija je prijava odbačena ili odbijena mogu podnijeti prigovor općinskom vijeću/skupštini općine, gradskom vijeću/skupštini grada odnosno Skupštini Brčko distrikta, u roku od dva dana od prijema obavijesti. Općinsko vijeće/skupština općine, gradsko vijeće/skupština grada odnosno Skupština Brčko distrikta, će postupiti po dostavljenom prigovoru do održavanja stručnog testiranja s kandidatima.

(3) Nadležni organ, Centralnoj izbornoj komisiji BiH, uz zahtjev za davanje saglasnosti na imenovanje člana izborne komisije dostavlja zaprimljene prigovore i informaciju o načinu postupanja ili akt kojim je riješeno po prigovoru s kompletnom dokumentacijom vezanom za procedure provođenja javnog konkursa. (Prilog - Zapisnik 4)

(4) Ukoliko nije bilo prijavljenih kandidata na javni konkurs iz stava (1) ovog člana, nadležni organ ponovo raspisuje javni konkurs. Ukoliko ni na ponovljenom javnom konkursu nije bilo prijavljenih kandidata ili prijavljeni kandidati nisu ispunjavali formalne uvjete, nadležni organ o tome obavještava Centralnu izbornu komisiju BiH.

(5) Nakon što Centralna izborna komisija BiH da prethodnu saglasnost u slučaju propisanom stavom (4) ovog člana, nadležni organ u roku od osam dana dostavlja prijedlog kandidata za imenovanje člana/članova izborne komisije bez provođenja procedure javnog konkursa, po mogućnosti iz reda službenika/zaposlenika organa uprave, javnih ustanova ili javnih preduzeća, s administrativnim iskustvom u provođenju izbora, radi imenovanja člana izborne komisije od strane Centralne izborne komisije BiH, shodno članu 2.15 Izbornog zakona BiH.

Član 2.

U članu 10. iza stava (4) dodaje se stav (5) koji glasi:

“(5) Konkursna komisija sačinjava jedinstvenu listu od pet (5) pitanja iz različitih oblasti liste pitanja iz stava (4) ovog člana, a koja će se koristiti na pismenom testiranju za sve kandidate. Kandidat rješava test na način da zaokružuje slovo ispred odgovora koji smatra da je ispravan i potpisuje svoj primjerak testa. Tačan odgovor na pitanje vrednuje se jednim (1) bodom. Ostvareni rezultat kandidata na testu je ukupan broj tačnih odgovora.”

Postojeći stavovi (5) i (6) postaju stavovi (6) i (7).

Član 3.

U članu 11. u stavu (1), Tabela b) Dodatno bodovanje, u rubrici Uvjerenje o završenoj obuci „Trening trenera“ u organizaciji CIK BiH, dodati riječi: „i uvjerenje o imenovanju instruktora za obuku kandidata za predsjednika/zamjenika predsjednika biračkog odbora“.

Član 4.

Ovo Uputstvo stupa na snagu narednog dana od dana objavljivanja u “Službenom glasniku BiH” a objavit će se u “Službenim novinama Federacije BiH”, “Službenom glasniku RS”, “Službenom glasniku Brčko distrikta BiH” i internet-stranici Centralne izborne komisije BiH www.izbori.ba.

Broj: 05-1-02-2-602-2/24

Sarajevo, 04.12.2024. godine

Predsjednica
dr. Irena Hadžiabdić

